

德化縣志卷第三

知德化縣事

高錫三補輯

鄒文炳再輯
陳翥續輯

沿革

江漢扼要之區化邑為最先是稱尋陽稱柴桑稱彭蠡楚城湓城同地異名各有因革其間碩德名臣文人傑士以及自古龍爭虎鬪雲遊仙舉薈萃於斯土者甚眾夫其人其事本即其地其鄉代易時移考古者或覲面失之良以沿革異也家之興也門或容駟族之敗也巢或居鳩今昔殊軌事非

德化縣志

卷二 地理

沿革

一

朝夕而况當吳楚之交衝為江右之戶牖如化境者其沿革源流一邑之故數省共之宜何如考鑒歟有虞氏肇十二州後易而九州秦變封建為三十六郡漢魏以迄唐宋元明或稱道或稱路或稱省隨時掖勢各判乘除奮武揆文是生得失化境雖小足以觀大凡矣志沿革

唐虞	三代	荆揚	二州	境
春	秋	吳楚	地	
戰	國	楚地		
秦	漢	九江	郡	
三	國	高帝	始置	郡領
晉	宋	柴桑	六年	屬吳
齊	齊	初柴	尋陽	昌郡
梁	梁	柴桑	桑縣	陽郡
隋	隋	柴桑	縣仍	南縣
唐	唐	省柴	又析	縣立
五代	五代	析湓	桑汝	城縣
南	南	潯陽	城縣	置楚
宋	宋	奉化	縣屬	吳
元	元	德化	軍改	縣為
明	明	德化	縣屬	江州
		德化	縣屬	江州
		德化	縣屬	九江

之氣躁勁厥性輕揚亦曰州境多水水波揚也 史記
吳地斗牛分野今之會稽九江丹陽豫章廬江廣陵六
安臨淮郡 史記九江甚中孔安國曰江於此州界分
爲九道甚得地勢之中鄭元曰地理志九江在潯陽南
皆東合爲大江索隱曰按潯陽記九江者烏江蚌江烏
白江嘉靡江沙江畎江廩江隄江菌江又張澣九江圖
所載有三里五畎烏土白蚌九江之名不同 史記九
江入賜大龜孔安國曰尺二寸曰大龜出於九江水中
龜不常用賜命而納之 史記過九江至於敷淺原徐

德化縣志

卷二 地理

沿革

三

廣曰淺一作滅裴駟案國語曰敷淺原一名博陽山在
豫章 史記南入於江東滙澤爲彭蠡孔安國曰水東
回爲彭蠡大澤

春秋吳楚二國地

府志

戰國屬楚顯王三十六年楚威王殺越王無疆盡取其地

府志

晉書荊州六國時其地爲楚揚州於古則荒服之國戰
國時其地爲楚分

秦始皇二十四年王翦滅楚虜王負芻明年分天下爲三

十六郡而今江右皆稱九江郡

府志

漢高帝元年項羽立黥布爲九江王盡有其地四年分九江置淮南國改封黥布爲淮南王卽壽春六年分淮南置豫章郡領縣十八柴桑隸焉文帝十五年尋陽縣隸廬江

郡

府志

前漢地理志廬江郡屬縣有潯陽豫章郡屬縣有柴桑
史記正義註吳起云三苗之國左洞庭而右彭蠡湖
名在江州潯陽縣東南五十二里以天子在北故洞庭
在西爲左彭蠡在東爲右今江州鄂州岳州三苗之地

德化縣志

卷二 地理

沿革

四

也 周景式廬山記柴桑彭澤之郊古三苗國舊屬廬
江郡 元和郡縣志居在潯水之陽故曰潯陽 府志
柴桑縣在郡治西南九十里楚城鄉潯陽縣在郡治十
五里鶴問寨 史記漢高帝本紀三年漢王敗固陵乃
使使者召大司馬周殷舉九江兵而迎之 史記漢武
帝本紀上巡南郡至江陵而東登禮潛之天柱山號曰
南嶽浮江自尋陽出樅陽過彭蠡祀其名山大川 史
記漢王使劉賈將九江兵與太尉盧縮西南擊臨江王
史記黥布列傳漢五年布使人入九江得數縣六年

布與劉賈入九江誘大司馬周殷周殷反楚遂舉九江
兵與漢擊楚破之垓下

三國建安二十五年權自公安都鄂改名武昌以武昌下
雒陽陽新柴桑沙羨六縣爲武昌郡 三國吳志

按洪亮吉三國疆域志云尋陽漢舊縣吳立蘄春郡尋
陽縣屬焉是郡中屬魏後又屬吳至晉太康元年省蘄
春郡復以尋陽屬武昌二年又移屬廬江郡是尋陽三
國時亦屬蘄春郡

豫章書漢末南境入吳屬彭澤郡北境入魏屬廬江郡

德化縣志

卷二 地理

沿革

五

後盡入吳屬武昌郡

晉惠帝元康元年有司奏荆揚二州疆土廣遠統理尤難
於是割揚州之豫章鄱陽廬陵臨川南康建安晉安荊州
之武昌桂陽安成合十郡因江水之名而置江州永興元
年分廬江之尋陽武昌之柴桑二縣置尋陽郡屬江州永
嘉元年江州又置新蔡郡尋陽郡又置九江上甲二縣尋
又省九江縣入尋陽縣義熙八年省尋陽縣入柴桑縣 晉

志書

按洪亮吉東晉疆域志云惠帝永興元年分廬江武昌

立尋陽郡懷帝永嘉元年又以豫章之彭澤縣屬尋陽郡元帝渡江尋陽郡又置九江上甲二縣尋省九江縣入尋陽安帝義熙八年省尋陽縣屬柴桑後又省上甲縣入彭澤凡領縣二柴桑彭澤

輿地廣記德化本尋陽縣二漢屬廬江郡吳屬蘄春郡晉復屬廬江 晉書志武昌郡吳置統縣七柴桑隸焉有湓口關廬江郡漢置統縣十尋陽隸焉 按晉書晉初尋陽縣屬廬江郡柴桑縣屬武昌郡後置尋陽郡省尋陽縣入柴桑縣屬尋陽郡

德化縣志

卷二 地理

沿革

六

宋齊亦爲柴桑屬江州尋陽郡

府志

宋書志尋陽太守尋陽本縣名因水名縣水南注江二漢屬廬江吳立蘄春郡尋陽縣屬焉晉武帝太康元年省蘄春郡以尋陽屬武昌改蘄春之安豐爲高陵及郟縣皆屬武昌二年以武昌之尋陽復屬廬江郡惠帝永興元年分廬江武昌立尋陽郡尋陽縣後省領縣三戶二千七百二十口一萬六千八郡旣立治此 南齊志江州鎮尋陽中流襟帶晉元康元年惠帝詔荆揚二州疆土曠遠有司奏割揚州之豫章鄱陽廬陵臨川南康

建安晉安爲新州新安東陽宣城舊豫章封內豫章之東北相去懸遠可如故屬揚州又割荊州之武昌桂陽安成竝十郡可因江水之名爲江州宜治豫章庾亮領刺史都督六州云以荊江爲本校二州戶口雖相去機事實覺過半江州實爲根本臨終表江州宜治尋陽以州督豫州新蔡西陽二郡治湓城接近東江諸郡往來便易其後庾翼又還豫章義熙後還尋陽何無忌表竟陵去治遼遠去江陵正三百里荊州所立綏定郡民戶參入此境郡治常在夏口左右欲資此郡助江濱戍防

以竟陵還荊州又司州宏農揚州松滋二郡寄尋陽人民雜居宜竝見督今九江在州鎮之北彭蠡在其東也領郡如左尋陽郡領柴桑彭澤

梁又析柴桑置汝南縣仍屬江州尋陽郡

府志

太平寰宇記成帝咸通元年移江州理湓城卽今郡是也

知府董榕訂訛按梁無成帝亦無咸通年號惟晉成帝年號有咸和紀年此云成帝咸通誤至云移江州理湓城按晉成帝咸和元年以溫嶠督江州嶠傳咸和初曾

陳事有尋陽濱江都督應鎮其地之語後云詔不許則是未嘗移也地理志成帝初於尋陽僑置松滋郡云云亦無移江州事未知太平寰宇記何所據宜再攷

河渠書汝南九江引淮

隋文帝開皇九年平陳之後省郡及汝南柴桑二縣復置尋陽縣時因水患仍遷縣入城今縣治也十八年改爲彭蠡縣煬帝大業二年復置郡名曰九江改彭蠡縣曰彭城縣尋又改爲湓城縣

府志

隋書地理志九江郡舊置江州統縣二戶七千六百一

德化縣志

卷二 地理

沿革

八

十七湓城舊曰柴桑置尋陽郡梁又立汝南縣平陳郡廢又廢汝南柴桑二縣立尋陽縣十八年改曰彭蠡大業初置郡縣改名焉有巢湖彭蠡湖有廬山望夫山府志隋置九江郡領縣二湓城彭澤

唐高祖武德五年廢湓城縣置楚城縣太宗貞觀元年江南道分天下爲十道八年省楚城縣更置潯陽縣

府志

唐書地理志潯陽緊本湓城武德四年更名又別析置湓城縣五年析湓城置楚城縣八年省湓城貞觀八年省楚城南有甘棠湖長慶二年刺史李渤築立斗門以

蓄洩水勢東有秋水隄大和三年刺史韋珩築西有斷
洪隄會昌二年刺史張又新築以窒水害有銀有銅有
廬山有彭蠡湖一名宮亭湖 唐書武德四年置江州
領湓城尋陽彭澤三縣五年置總管府八年廢浩州及
樂城縣入彭澤縣又廢湓城入潯陽天寶元年改爲尋
陽郡乾元元年復爲江州 府志唐爲江州又爲尋陽
郡後復爲江州領縣三潯陽縣隸焉

五代九江屬吳亦爲尋陽縣屬江州

府志

南唐奉化軍改潯陽爲德化縣屬江州

府志

德化縣志

卷二 地理

沿革

九

郡縣釋名附郭南唐改德化縣言德化所暨也

宋江州上尋陽郡開寶八年降爲軍事大觀三年升爲望
郡舊隸江南東路建炎元年升定江軍節度二年置安撫
制置使以江池饒信爲江州路紹興元年復爲二路本路
置安撫大使嘉熙四年爲制置副使司治所咸淳四年移
制置司黃州十年還舊治崇甯戶八萬四千五百六十九
口一十三萬八千五百九十貢雲母石斛縣五德化隸焉
望唐潯陽縣南唐改

宋史志

按王象之輿地紀勝云江州宋開寶八年分隸江南東

道而分隸江南西道圖經不載年月攷隆興續職方乘載宣和三年詔洪州爲安撫使統洪瑞袁虔吉撫臨江興國南安建昌十郡皆爲屬郡未統江州也至建炎四年分江東西爲三帥江州路領洪撫信興國南康臨江建昌爲安撫使六月除朱勝非爲江州路安撫大使兼知江州至紹興初復以江東西爲兩路却不言割江州還江東路自此遂長爲江西屬郡以此攷之則江州之隸江西在建炎四年分三帥之後文獻通攷亦云舊屬江東路中興後改屬西路與紀勝之說合

府志開寶八年江東南道江州曹彬平江南得州十九潯陽其一也高宗建炎元年定江軍江西安撫司領縣五與今同

元江州路唐初爲江州又改潯陽郡又仍爲江州宋爲定海軍元至元十二年置江東西宣撫司十三年改爲江西大都督府隸揚州行省十四年罷都督府升江州路隸龍興行都元帥府後置行中書省江州直隸焉十六年隸黃蘄等路宣慰司二十二年復立行省戶八萬三千九百七十七口五十萬三千八百五十二領司一縣五德化隸焉

元史
志

府志世祖至元十四年江西省江州路置總管府領縣五首德化至正十二年二月徐壽輝兵陷江州總管李黼死之十九年陳友諒以江州爲都迎僞主徐壽輝居之三十年殺徐壽輝於太平路自稱皇帝國號漢駐江州三十三年江州爲僞漢陳友諒所據明師大戰於鄱陽湖陳友諒敗死江州平

明江西布政司九江道改江州路爲九江府領五縣首德化

府志

德化縣志

卷二 地理

沿革

十一

國朝因之編戶一十七里

安志

知府董榕潯陽攷漢之柴桑屬豫章郡者是今德化也其廬江郡所領之尋陽非今德化境也前漢書尋陽介縱陽潯二縣之間註云禹貢九江在南史記漢武帝浮江自尋陽出縱陽過彭蠡計其經由次序尋陽固在江北宋書因水名縣水南注江所紀更明尋陽記曰今蘄州界古蘭池城亦謂之潯陽城卽漢尋陽也通典曰尋陽舊縣在江北蘄春郡界今黃州府黃梅縣東北尋陽故城是也行水金鑑載廣濟在蘄州東七十里本漢蘄

春尋陽二縣地橫雲山人明史稿德化西有湓口城又有尋陽故城東晉所置也漢縣在湖廣蘄州界合數書觀之是漢之尋陽縣城在蘄境而黃梅廣濟皆其地也其以尋陽爲郡自晉永興元年始也係分廬江之尋陽武昌之柴桑二縣置郡是柴桑縣領於尋陽郡而二縣仍分治也義熙八年省尋陽縣入柴桑縣是以柴桑兼治尋陽縣故地也其尋字加水爲潯自梁書潯陽王大心始也其廢柴桑立潯陽縣自隋開皇間始也至此江南之縣始名潯陽矣其置九江郡改縣名湓城自隋大業初始也唐武德四年又更名潯陽至五代南唐始改德化迄今不易撮舉其概便省記焉

德化縣志

卷二 地理

沿革

十一

訂訛 通志引太平寰宇記成帝咸通元年移江州理彭城

卽今郡是也按是條載晉書後查晉成帝無咸通年號

詳見前條

又引元和郡縣志云居潯水之陽故曰潯陽按

水以北爲陽 且古潯水在蘄境元和志所釋似誤

府志凡蕭梁以前尋陽潯字俱作潯誤